



Piujuaannartitsinissamut
Nalunaarusiaq

2020



TELE-POST



Aallaqqaasiut	6
CSR ilaasortaaffiillu	8
Niuernerup ilusaa	10
Piujuaannartitsinissamut periusissiaq	12
Piujuaannartitsinermik ineriartortitsinermut Nunarsuarmi anguniakkat	14
Sulisoqarnermut tunngasut	18
Avatangiiseq silallu pissusaa	28
Suliffeqarfittut ileqqorissaarneq	32
Inuiaqatigiinnut naleqarnerulersitsivugut	34
Nunarsuarmi isummat tunngaviusut, ajutoorfiusinnaasut 2021-milu iliuusissat	36
Nalunaarusiap paasissutissartaanut takussutissiaq	38



Kinguaariit tulliit salliutillugit

Piujuaannartitsinissami suliassat

TELE-POST kiffartuussissuteqarpoq kinguaariinnik tullernik ineriartortitsinnaallutillu piginnaasaqarnerulersitsisinnaasunik.

Internettip aliikkutatut isigineqarnera naligalugu, ineriartornissamut ilikkagaqarnissamullu aqqutissaanera siuarsaaqataaffigerusupparput.

TELE-POST-ip attaviit Kalaallit Nunaannik ukiunut digitaliusunut ikaarsaartitsisut qulakkeerpai

Digitalip ineriartortinneqarnerani kinguaariit tulliit salliutinneqassapput. Internetip ineriartornissamut ilikkagaqarnissamullu aqqutissatut isigineqarneranut siuarsaaqataarusuppugut. Meeqqat suliassaminnut paasisimasaqarnerulernissaat meeqqallu atuarfianni digitaliseeriinerup annertusi-neqarnissaanik kissaateqarnerat peqataafigerusupparput. Inuiaqatigiinni tamanna tamanut aammalumi TELE-POST-ip niuernermini suliaanut siunissami digitaal-ingorsagaanerusunut naleqarnerulersitsivoq. Taamaattumik ingerlatseqatigiiffik nunarpullu ilinniagaqarnikkut siunissamut qulakkeersinnaajumallugu, digitali atorlugu periarfissanik piginnaasanillu pigisaqarnerulernissaq TELE-POST-ip suleqataaffigissavaa. Ukioq manna Coding Classimik pilersitsinissaq samminerusimavarput, tasanilu meeqqat atuarfianni atuartut ullut tallimat ingerlaneranni suliassamut digitaliusumut TELE-POST-imit tigusimasaminnut atatillugu kodiineq ilinniarpaat. Atuarfiup suliffeqarfiullu suleqatigiinnerat annertuumik suleqatigeerusulersitsivoq Covid-19-ilu ingerlatsinitta pilersaarutittalu ingerlannerini tamani unamminartunik atugassaqartitsigaluartoq, tamatuma piviusunngortinneqarsinnaanera nuannaarutigaarput.

Suliaq ingerlatiinnassavarput Coding Classilu nunatsinni tamarmi siammarneqassaaq. Tamatuma saniatigut meeqqat inuusuttuaqqallu Coding Pirates atorlugu sunngiffiminni koderisinnaanngornissaat ajornarunnaarsipparput. Coding Pirates suleqatigalugu aqqissuussinerni tallimani ukiarmi ingerlanneqartuni kalaaliaqqat qallunaajaqqallu isiginnaarutikkut kodeeqatigiissinneqarput.

Covid-19 qarasaasiakkut periarfissarpassuarnik ammaassivoq suliffeqarfippassuillu digitaliusumik ingerlatsiartuaarnerannut aallartitsilluni – aamma TELE-POST-imi. Uaguinnaanngitsut ulluinnarni ataatsimiinnerit, niuernerit, angalanerit, ilinniar-titaanerit il.il. annertoqisumik internettikkoortalernerannut naleqqussartariaqarsimavugut. Inuiaqatigiinnut susassaqarnerput suli annermik pingaaruteqarnerulerpoq, Covid-19-ip mattusimatitsinerata kingunerisaanik internettikkut attaveqar-neq inuunermut pingaaruteqartorujussuan-gormat, ilaquttat, ikinngutit, suleqatit il.il. akornanni attavituanngorami. TELE-POST angisuumik akisussaaffeqarpoq, Kalaallit Nunaannimi immitsinnut attaveqartitsivoq Kalaallit Nunaallu nunarsuarmut attaveqar-tillugu.

Taamaattumik ullut tamaasa suliuarpu-gut Kalaallit Nunaanni suliffiutilinnut innutta-sunullu tamanut sumiluunniit najugalinnut periarfissat pitsaanerpaat qulakkeerniar-lugit. Nunami Kalaallit Nunaattut ittumi ikit-tuinnarnik sullitaqarfiusumi, isorartoorsuar-mi silarluttaqisumilu unamminartoq ange-qaaq. Nukipparujussuit atortariaqarpagut oqarasuaatinut attaviit qulakkeerniarlugit, taamaattumik iliuuseqarfigisassatta pin-gaarnerit ilagaat ataavartunik nukissiuute-qarnissaq, soorlu sequeineq anorilu nukissi-utiginerulernerisigut. Sakkortusaaveqar-fitsinni nukissiuutigut aasakkut seqinermit nukissiornermik ukiukkullu generatori atorlugu nukissiornermik tapertaqartarput. Seqernup qinngorneranik tigooqqaassutit aasakkut nukissiorluarsinnaagaluarlutik, ukiukkut taarnerata nalaani nukissiorsin-naanerat appartarpoq. Anorisaatinik sior-



natigut misiliisoqartaraluartoq 2019-imi anorisaammik misileeqqinnissaq aalajangiupparput. Nalunaarusiami uani taassuma qanoq pisimanagera atuarsinnaavat.

Taama oqariarlunga oqaatigiumavara TELE-POST-ip suli tapersersormagit UN Global Compact isummallu tunngaviusut qulit.

Piujuaannartitsinermut nalunaarusiarput atuarluarsiuk.

Kristian Reinert Davidsen
Pisortaaneq

Suliap aaqqissuusaanera

Suliffeqarfiup suliaani soorlu takuneqarsinnaasoq TELE-POST-ip siulersuisui suliffeqarfiup inuiaqatigiinni akisussaaffeqarneranut piujuaannartitsinisaanullu pingaartitsisuupput. Piujuaannartitsinissamik anguniakkat Sulisoqarnermut immikkoortortaqarfimmi pisortamit akisussaaffiqeqarput, taannalu allamik suliaqarani tamakkuninngaan-naq suliaqartumik ataatsimik suleqateqarpoq. Piujuaannartitsinissamut siunnersortip ineriartortitsineq, isummamik sorlanitsinniarneq,

uppernarsaasersuineq kiisalu suliffeqarfissuup inuiaqatigiinni akisussaqaataanerminik piujuaannartitsinerminillu suliaqanera qulakkeerinnegataaffigai. Ullut 14-nikkaarlugit Pisortaanerup Sulisoqarnermut immikkoortortaqarfimmi pisortap ataatsimeeqatigiittarnerini piujartitsinissamut suliart ingerlarngi oqaluuserisassani aalajangersimasumik oqaluuserisassanngortinnegartarput.



Ilaasortaaffiit

UN Global Compact-imut ilaasortatut TELE-POST imminut pisussaattippoq inuit pisinnaatitaaffiisa, sulisartut pisinnaatitaaffiisa, avatangiisit aamma pinerluttuliornaveersaartitsinerit iluanni FN-ip tunngaviumik isummat 10-t anguniagai naapertorlugit akisussaaffimmik tigusinissaminut kiisalu FN-ip nunarsuarmut anguniagaasa 17-t naammassineqarnissaannut ikiunnissaminut. Tamakku saniatigut TELE-POST, akisussaaffeqartumik ingerlatsinissamut Kalaallit Nunaanni siuarsaanermik suliaqartunut CSR Greenlandimut aamma Transparency Interna-

tional Greenlandimut, ilaasortaavoq. Piujartitsinissamik suliagut taakkulu ingerlaneri pillugit, ukiut tamaasa UN Global Compact-imut nalunaarusiortarpugut. Taakkua saniatigut nalunaarusiaq una suliaavoq ukiumoortumik naatsorsuutinik nalunaarusiortarnermut inatsimmi §99a aamma §99b najoqqutaralugit.

UN Global Compact pillugu paasisaqarnerorukkuut, takuuk

www.unglobalcompact.org

Isummat Tunngaviusut Qulit



Inuit pisinnaatitaaffii

Isuma 1: Suliffeqarfiup sunniuteqarfigisinnaasaasa iluini, inuit pisinnaatitaaffii nunarsuarmioqatigiinnit nalunaarutigineqarsimasut, suliffeqarfiit tapersersorlugillu illersornerat ataqqisariaqarpaat; aamma

Isuma 2: inuit pisinnaatitaaffiisa innarlerneqannginnissaannut qulakkeerinnegataasari-aqarpoq



Sulisartut pisinnaatitaaffii

Isuma 3: Sulisartut kiffaangussuseqarlutik peqatigiiffiliorsinnaatitaanerit aamma ataatsimoorlutik isumaqatigiinniarsinnaatitaanerit Suliffeqarfiup ingerlattariaqarpaat; aamma

Isuma 4: pinngitsaaliilluni sulisitsarnerit tamaasa atorunnaarsinnissaat tapersersorlugi; aamma

Isuma 5: meeqqanik sulisitsarnerup unitsinnissaa tapersersorlugi; aamma

Isuma 6: suliffimmi atorfinitsinermilu assigiinngisitsineq atorunnaarsivillugit



Avatangiisit aamma silap pissusaa

Isuma 7: Avatangiisinut unammilligassanut mianersortumik periuseqarnissaq Suliffeqarfiit tapersersortariaqarpaat; aamma

Isuma 8: avatangiisinut akisussaasuseqarnissamik suliart siuarsarnerinut aallartitsisalluni; aamma


Isuma 9: teknologiinik avatangiisinut iluaqutaasunik ineriartortitsineq siammarsanerlu siuarsaaqataaffigissallugit



Pinerluttuliornaveersaartitsinerit

Isuma 10: Pinerluttuliorsinnaanerit suulluunniit suliffeqarfiup akiortariaqarpai, soorlu pinngitsaaliilluni akiliitsiniartarnerit aamma akilersilluni pinerluttuliortarnerit

Niuernerup ilusaa



Isumalluutit pingaarnerit

Sulisut
Suliffeqarfippit akimorlugu nioqqutinik sullissinermillu pilersuisinnaanerput sulisutta qulakkeertarpaat, tamarmillu pisinnaasamik ineriartornissaminnut periarfissinneqarnissaaneqerootiginissaa anguniartarpaat.

Aningaasatigut isumalluutit:
Aningaasaliinigit sapinngisamik ingerlatsinitsinni isertitanit saniatigullu taarsigassanerit aqutigalugit aningaasalerortarpaat.

Atuisut piginnittullu:
Atuisugut piginnittugullu suliffeqarfitsinnut tunngaviupput, taakkunungalu atassuteqarnerit tamaasa pingaartitaraagut.

Inuiaqatigiinnik sullisseqaataaneq
Aaqqiissutissanut aningaasaliisarpuq, nunap immikkoortuini digitalimik ineriartornissamik qulakkeerinittumik, aamma killilimmik aningaasarsiorfiusinnaasuni.

Aningaasaliinerit

Attaveqaasersugaaneq

- Suliaqarfimmi Kalaallit Nunaani tamarmi oqarasuaateqarneq internettimullu attaveqarneq qulakkeerneqartarpoq pilersuisusaanerullu isumannaatsuunissaa pingaarnertut ukkatari-neqarluni.
- Attaveqaasersuinerit, annertusaajuernerit attaviillu ullutsinnut naleqqullutillu tulluurtut sullitatsinnut pilersuisutaanissaat qulakkeertarpaat.

5.404 km-i Imaatigut kabeli
1.710 km-i Qaqqap qaavini 67-ini sakkortusaaviit
2 Qaammataasat atorsinna-nerinut isumaqatigiissutit
116,7 mio. 2020-mi aningaasaliissutigi-neqarnerat, kr-inngorlugit

Kaaviiartit

Oqarasuaateqarneq internettillu kaaviiartit 65%-ii

- Tassani innuttaasunut suliffeqarfinnullu oqarasuaatinut internettimullu nioqqutinik pilersuisoqarpoq.
- Nioqqutinik nutaanik ineriartortitsuarneq, Kalaallit Nunaanni silarsuullu sinnerani sullitat taamaalillutik digitalikkut ineriartorternerit peqataanissaminnut periarfissinneqarput.

9% Internettimik atuisut amerlas. 2020-mi qaffariaataat
31% Internettimi datanik atuisut 2020-mi qaffariaataat
65.027 Oqarasuaammik angallat-takkamik atuisut

IT-mik sullissinerit allallu kaaviiartit 20%-ii

- Suliffeqarfiutilinnut niuerfik IT-qarnikkut aaqqiissutinik ullutsinnut naleqquttunik, suliffeqarfiit suliaminnik pingaarnarpaanik ukkataqarinninnissaannut periarfissisunik Kalaallit Nunaanni tamarmi sullitatsinnut neqerooruteqarpoq.
- ELE-POST Kalaallit Nunaanni ajornartorsiulernerimi isumannaallisaanerimilu upalungaarsimanermik sullissisutut imaani angalasunut isumannaallisaaqataavoq.
- Silaannakkut angallannerit sullissinerit silasiorfinnullu kiffartuussinerit. Kalaallit Nunaanni angallanneq qajannaatumik ingerlatitseqataaffigineqarpoq.

24/7 Aasiaat Radiomi ulluni 365-ini sulisoqarneq
18.250-it Timmisartut angallannerit silasiornerit ballonit ukiumullu qullartinneqartartut
86% Suliffeqarfinnut oqarasuaatit 2020-mi qaffariaataat

Allakkeriveqarneq kaaviiartit 13%-ii

- Kalaallit Nunaanni allakkeriveqarnermi kisermaassisutut allakkerinnerit niuerfiup nunatsinnut tamarmut isumannaatumik sullissinissaq qulakkeerpaat.
- Kalaallit Nunaannut tamarmut poortukkat apuunneqar-nissaannut qulakkeerininnerit neqeroorutigineqarput, tamatumalu innuttaasut suliffeqarfiillu nunanit allanit niuersinnaanerit periarfissaqalersippaa.

15-it Kal. Nun. TELE-POST Centerit saaffiginnittunik sullissisussallit
76 tonsit Allakkat 2020-milu appariaatit 10%-it
288.000-it Poortukkat 2020-milu appariaatit 6%-it

Wholesale kaaviiartit 2%-ii

- Ataatsimoortukkaani nioqquteqarfik Kalaallit Nunaanni innuttaasut internettimut attavilersuisunermi unammillertinik toqqaasinnaanerannut periarfissivoq.
- Suliaqarfik internettimik nioqquteqartunut nioqqutinik ineriartortitsisuvuq, taamaalilluni taakku sullitaminnut nioqqutinik ullutsinnut naleqquttunik aamma nioqquteqar-sinnaaqqullugit.

63%-it Sullitanut annertuukkuuta-artunik pisisartunut nunani tamalaani sullissinerit 2020-mi qaffariaataat

Kinguaariit tullii siunissaraavut

TELE-POST suliffeqarfittut akisussaaqataavoq nioqqutitta isumannaatumik nutaaliorsiumillu atornerqarnissaannut. Misissuinerpassuarnit nalunngilarput, Kalaallit Nunaanni innuttaasut internettimik atuilluartuusut inuit akornanni attaveqaatit aliikkutatullu. Ineriartornerup sammivimmu ilikkagaqarnissamut ineriartortitsiffiusumullu pissusissamisuuginnartumik saakkiartornissaanut sunneriartornissaa angisuumik pingaarutilimmillu suliassaqarfiuvoq.

ingeniørinillu inuiaqatigiit amigaateqartarnerat, taamaattumik meeqqat inuusuttuaqqallu tamakkuninnga soqutigisaqarnerannik siuarsaanissarput pissusissamisuuginnarpoq.

Taamaattumik Piujuaannartitsinissamut periusisarput malillugu meeqqat inuusuttuaqqallu suliassat digitalimik atuiffiusut aqqutigalugit inerisarnissaat isiginiarparput kinguaariillu tullii silarsuarmi digitalineruleralluttuinnartumi

“ *Niunerperput akisussaassuseqartumik ingerlapparput sulisutsinnik, najukkatsinni inooqatigiinnermik avatangiisimillu inooqataaffigisatsinnik eqqarsaatiginnilluta ataqinnillutalu. Niunerper digitalimik Kalaallit Nunaannut iluaqutaasussamik aningaasaliiffisarput sunniuteqarluartumik aalajaatsumillu ingerlapparput. Ilisimasatsigut, misilittakkatsigut paasisimasaqarluarnitsigullu ineriartortitsisuuvugut naleqalersitsisumik.*

TELE-POST-ip inuiaqatigiinnut akisussaaqataaerneranut politikimit issuaaneq

Taamaattumik kinguaariit tullii inerisarnissaat, ilinniartinnissaat atortunillu digitaliusunik paasisimasaqalernissaat ukkatariniarparput. Internetip atugaanera sunniuteqarfigiumavarput unammillerumallugulu, atorsinnaassusaa tamakkiisoq innuttaasunut tamanut, minnerunngitsumillu kinguaariinnut tullernut, iluaqutaasinnaaqullugu.

CSR-itta piujuaannartitsinissamillu suliniutitta suliffeqarfimmik siunissamut qulakkeerineqataannissaat, TELE-POST-ip anguniagaraa. Taamaapportaaq meeqqanut inuusuttuaqqanullu suliniutini. Uagut suliffeqarfittut misigisarparput IT-mut immikkut piginnaanilinnik, teknikerinik

plersitaqarnissaannut piginnaaneqarnerulersikumallugit. Meeqqat inuusuttuaqqallu digital atorlugu periarfissanik atuisuuginnassanngillat, teknologiimi inuiaqatigiit ineriartorneranni qitiulluinnartussami namminneq pilersitserusussuseqassapput nutaaliorsussuseqarlutillu.

Taamatut ukkatarinnilluta siunissami ineriartorneq qulakkeerinniffigisavarput, tassuunami kinguaariinni tullerni IT-mut immikkut piginnaanillit, teknikerit ingeniørinillu sorlaliiffigisavagut.

¹ <http://greenlandtoday.com/groenland-nummer-1-paa-facebook/>
http://mio.gl/wp-content/uploads/2017/03/Boerns-brug-af-internet_2016-til-voksne_DK.pdf





“

Meeqqat kodiinermik ilinniarnaq suliarninnillu saqqummiineq qanoq nuannaritigigaat ersarilluinnarpoq. Pilersaarutip Kalaallit Nunaannut eqqunneqarnissaa pillugu TELE-POST-ip Coding Class Danmarkillu Kommuneqarfik Sermersuumik suleqateqarsinneera nuannaarutigaarput, neriuppugullu suleqatigiinneq tamanna ingerlaqqissinnaassasoq Coding Class kommunemut tamarmut siammarneqarsinnaaqqullugu.

Borgmesteri, Charlotte Ludvigsen

TELE-POST-imi nunarsuarmi anguniakkat

Nunarsuarmi anguniakkat TELE-POST-imi atorneqarput piujuaannartitsinermik suliffeqarfissuarmi suliap ilusilersorneranut ersarissarnerannullu kii-salu allanngueqataanerumut peqataanitta ilisimaneqarnerulernissaanut, taamalu tamatumu inuiaqatigiinnut qanoq naleqartigineranik. Anguniakkat piujuaannartitsinermik suliaqarnerup ukkatarineqarneranut sakkortusaataallutillu ataatsimorussamik iliuuseqarnissamut ilaapput, suliffeqarfissuarmi nammineru inuiaqatigiillu ilaaffigisatta tungaannut.

Anguniakkat pingasut, uagut tapersiinissatsinnut pingaarutillit inuiaqatigiinnilu allannguisutaasinnaasut aammali nuernitsinnik naleqalersitsisut, TELE-POST-ip suussusersivai. Tamanna pivog aqutsisut ataatsimeeqatigiinneranni, tassanimi piujuaannartitsinermik ilisimasaqarnerulernissaq erseqqissaanissarlu Nunallu tamalaat Nunarsuarmut anguniagaat 17-it annertusaaviginarnearput.



Kinguariit tulliit salliutinneqassapput

Coding Class

Meeqqat atuarfianni 7. klassit ulluni tallimani kodiinermik ilinniartinneqarput. Atuartut TELE-POST-imiit suliassamik tunineqarput pinnguaatinik, app-inik aalasunngortitanik kodiinermikkut aaqqiissuteqarfugalugit ilusilersugassaminnik. Ilinniartinneqarnerup nalaani atuartut suleqatigiillutik, misissueqqissaaqatigiillutik nutaaliorlutillu qanoq kodiinikkut ilusilersuisarnermik paasisaqalersarput, tamakkulu tamar-mik suliaqarfiupput ukiuni 21 hundredikkunni piginnaasatigit piumasaqaatini pingartinneqartut. Ukiarmi misiliutaasumik ingerlatsinerit klassini marlunni piviusunngortippagut, qujanartumik TELE-POST-ip, Kommuneqarfik Sermersuup, Coding Classip aammalu IT-mik suliaqartut suleqatigiilluarnerisigut. Kommuneqarfik Sermersooq 2021-p upernaakkuani Coding Classinik allanik ingerlatsinissaq pillugu sulioqaloqatigisarparput. Tamatumu saniatigit Kalaallit Nunaanni kommunet allat aammattaq oqaloqatiginissaat suliaararput, suliap taamaalilluni nunamut tamarmut siaruarneqarnissaa qulakkeerumallugu. 2021-p ingerlanerani kommunet marluk aamma suleqatigilernissaat sulissutigaarput.

Mäl	Realiseret	Forklaring
Klassit sisamat	Klassit marluk	Covid-19 Peqqutigalugu klassit marluinnaat ingerlatsivigineqarput

Coding Pirates

TELE-POST Coding Piratesimik suleqateqalerpoq, aaqqissuusanillu ingerlatsisimalluni meeqqat inuusuttuaqqallu sunngiffiminni kodiinermik IT-milu nutaalorsinnaanernik aamma suliaqarfiginnaasaannik. Aaqqissuusanut taakkununga kalaaliaqqat qallunaajaqqallu internetikkoolugu imminnut isigalutik naapittarput kodeeqatigiittarlutillu. Aaqqissuussat iluatsilluartarsimapput meeqqat, angajoqqaat piumassutsiminnillu ikiuuttut akornanni assut nuannarineqarsimaqalutik.

TELE-POST-ip Coding Piratesimik aaqqissuussat ingerlateqqissavai, angorusullugulu kodiinerup meeqqat sunngiffimmi susassaqarnerannut suliannerusumik ilaatilernissaa.

5 Aaqqissuussat 2020-p ukiaani piviusunngortinneqarput

Teknologiimik paasinnineq ilinniartitsisunngorniarnermi

Kinguaariit tullit IT-mut teknologiip atornissaa pikkoriffigilissappassuk pingaaruteqarpoq inersimasut meeqqat ulluinaanni akuusut IT-p atornissaanut pikkorinnerulernissaat. Taamaattumik TELE-POST-ip ilinniartitsisuaq ilinnisiorfillu suleqatigai, atuarfinni

ilinniartitsisut digitali atorlugu nutaaliorsinnaanermik teknologiimillu paasinninnermik ilinniartitsisinnaanissaannut ilinniarnissamut sinaakkutissanik pilersitsinissaq eqqarsaatigalugu.

2021-mi ukiaanerani semesterimi ilinniartussat siullit aallartinnissaat naatsorsuutigaarput.



Digitali atorlugu pitsaasumik attaveqaasersugaaneq siuariartornissamut aqutissaavoq

Digitalimik attaveqaateqartitsinermik sallerasaasut nunarput nunarsuup sinneranut attaveqartipparput – tamanna maannakkut siunissamilu inuiaqatigiit piujuaannarnissaannut aalajangiisuulluinnartuuvog.

Attaveqaasersugaanikkut qajannaatsukkat teknologiinillu avatangiisimut ajoqutaannginnerusunik atuilluarnerunitsigut flatrate internettimik pilersuivugut Kalaallit Nunaata Kujataani, Kitaani aammalu Avannaani najugalinnut sullitatta 92,6%-iinit amerlanernut.

Kalaallit Nunaat internettimut attavinnik qajannaatsunik atortoqarluni ukiut digitalip atuuffigisaanut isersimalerpoq.

Tamanna Kalaallit Nunaata siuariartoqqinnissaanut tunngaviliisuuvog.



Aqut pitsaassutsimut ingerlaqatigiiffik

Piujuaannartitsinermut periusissiami anguniakkat tamaasa kisimiilluta piviusunngortissinnaanngilagut. Taamaattumik atalluarsinnaasunik suleqatissarsarpugut suliat pitsaassusaannik peqatigiilluta sakkortusisitseqatigisinnaasatsinnik. Anguniakkat pingaarnepaat angunissaannut suleqateqarnek qitiulluinnarpoq.

Innuttaasut 7,4%-ii, Kalaallit Nunaata sinnerani innuttaasut assigalugit digitalimik sulii periarfissaqanngitsut, 2020-mi sammivagut. Tasiilami, Ittoqqortoormiini Qaanaamilu sullitatta internettimut pitsaanagerusumik attaveqalissutigisaat qaammataasakkoorlugu attaveqarnek, annertuumik suliaqarfigissallugu aallartipparput.

2021-p ingerlanerani Kalaallit Nunaata attavilersugaanerata sakkortusarnissaa pitsanngorsarnissaalu suliarissavarput.





Suliffeqarfimmi qanorluunniit ittumi kajumis-susilinnik sulisoqaraanni angusat pitsaanerpaat anguneqartarput, taamaattumik TELE-POST-ip sulisumi pitsaasumik atugaqarnissaat sulissutigiuarpaa. Tunniusimallutik sulerusussuseqarlutillu sulisut pitsaanerumik sulisarput, suleqatigiinnemik nukittortitsisarlutik, allat isumassittarlugit pitsaasumillu isigineqarnitsinnik annertusaqataasarlutik.

Pitsaasunik angusaqassagaanni, niuernermit ilaaginnarpoq sulinermit avatangiisini kiisalu aqutsisup

Suliffeqarfimmi isumannaassuseq

TELE-POST-ip sulisut isumannaassusaat pingaar-titaraa inatsisitigut piumasaqaataasut ilinniartinneqarnerit, pikkorissarnerit L-AUS-itullu ittut allagartat tamatumunnga tunngasut, masterredningit suliffimmilu avatangiisit pillugit ilinniartinneqarnerit ingerlattarnerisigut. Sulisut isumannaallisaanernut pisariaqartinneqartunut ilitsersorneqartarput, tamakkulu aqqutugalugit paasinnineq malinninnerlu qulakkeerneqartarput. Sulinermit ajoqusernernerit 2020-mi nalunaarutiginnittoqanngilaq. TELE-POST-imut pingaaruteqarpoq isumannaallisaanernut ileqqoqarnissaq sulinermit

MTU	2018	2019	2020
Naammagisimaarinneq	80	82	84
Aalajaassuseq	83	85	87

Sulisullu kiisalu suleqammiit suleqammut suleqatigiinnermit timikkut tarnikkullu peqqinnartunik isumannaatsunillu sinaakkuteqartitsinissaq.

Sulianik nuannarinnineq

Suliamik nuannarinnineq sulisut sulerusussuseqarnerannut suliffeqarfimmullu aalajaassuseqarnerannut takussutissaavoq. 2020-p aallartinnerani TELE-POST-imi sulianik nuannarinnineq 84-imik qaffasissuseqarpoq, tamannalu sulianik nuannarinninnermit qaffasissumik inissisimasutut taasariaqarpoq kiisalu misissuinnermit avataaniit suliarinnittorput, Ennova.com, naapertorlugu Kalaallit Nunaanni misissuineq 'Best in class'-itut taaneqarsinnaavoq. Sulisut TELE-POST-imut² aalajaassusaasa qaffasissusaa 87-imiippoq.

ajoqusernernerit eqqortumik suliarinninnerit akuersaarneqarnissaannut iluaqutaasussanik nalunaarutiginninnerit kingornalu pinaveersaartitsinnerit. Tamanna pisarpoq suliffimmi isumannaallisaanerup ulluinnarni sulinermit ilaaneratigut. 2020-mi ajoqusernernerit nalunaaruteqartoqannginnera qujanarpoq, tamannalu pikkorissartitsisoqartarnerata ilinniartitsisoqartarneratalu iluaqutaasimanageranarut takussutissaavoq. Sulinermit ajoqusernerit akuerineqarnissaat pillugu, avatangiisip ammasuunermik toqqissisimanartuuneranillu ilisarnaateqarnissaa erseqqissaatigiussallugu pingaaruteqarpoq.

Appassisumik nalilernerana (0-59), akunnattutut nalilernerana (60-74), qaffasissutullu nalilernerana (75-100)

Peqqissuseq

TELE-POST sulisut peqqissusaannut iluarusunnissaannullu suleqataavoq kantineq peqqinnartunik assigiinngiaartunillu nerisasaqartitsinermigut, akeqanngitsumik timigissartarfimmiissinnaanermut, suliffiup timersornernut aaqissuussanut sulisullu aaqissuussaanut peqataatitsisarnermigut.


Aalajangersimasumik sulisuusut atorfinitsinneqarnerminni peqqissutsimut sillimmammut nalunaarutigineqartarput. Tassuuna ilaatigut Danmarkimi napparsimavinni namminersortuni suliarineqarsinnaanermut, kiisalu atornerluisuugaanni siunnersorneqarnissamut, tarnip pissusaanik ilisimasalimmit ikiorneqarnermut tagiartortinnernullu periarfissaqartoqalersarpoq.

TELE-POST-ip tassunga ilanngullugu Allorfik, tassaasoq innuttanut ilaqutaannullu pinnguaatinik aannngajaarniutinillu atornerluisuusunut katsorsaavik, suleqatigilerpaa. Suleqatigiinnitsigut sulisut pinnguaatinik aannngajaarniutinillu ajornartorsiutillit imaluunniit ilaqutaat qaninnerit pinnguaatinik aannngajaarniutinillu ajornartorsiutillit toqqaanartumik nunatsinni katsorsarneqarsinnaanernannut innersuussinnaavagut.

Napparsimalluni sulinngitsoorneq

Napparsimaneq pissutigalugu sulinngittarnerit annikillisinnaannik TELE-POST anguniagaqartuarpoq.

2020-mi napparsimaneq pissutigalugu sulinnginnerit tamarmik 4,3%-iupput, katillutik ullut 3.962-it, taakkunannga Meeqqap napparsimaneq ulloq siulleq 481-iullutik. Sulinnginnerit ima agguataarput:



Piffissamik nalunaarsuiffitsinniit paasissutissanik ullumikkut toqqaannartumik aallersinnaavugut, taamaattumik aalajangerneqarpoq 2020 tassaassasoq siunissami naatsorsuinerit tunngavissusaq. Ullut napparsimaffiit ima naatsorsorneqartarput:

Ullut napparsimaffiit/Ullut suliffiit ilanngaatalugit, ullut suliffiit tassaallutik ullut suliffissatut pilersaartaasimasut katinneri, ullunik sulinngiffigisimasanik, sulinngiffissanik, ullunik isumassuiffinnik, ullunik pikkorissarfinnik, ullunik soraarsinneqarfiusunik ullunillu nalliuttunik ilanngakkat.

2021-mi aqutsisut sulinngittarnerit suliaqartarnissaannut malittarisassanik oqaloqateqarnermilu iluaqutaasinnaasunik suliaqartoqassaaq.

Suliffimmi pissusilersornerit

TELE-POST-ip kanngunarsaalluni pissusilersornerit politikianit tigulaagaq: *“TELE-POST-ip suliffiqarfimmi kanngunarsaanerit, pimmatiginninnerit kinguaassiuutitigullu kannguttaatsuliorfiginninnerit qanorluunniit ittut akuerinngilluinnarpai, sulisullu kialuunniit taamatut pineqarneq akuerisannngilaa. TELE-POST-ip ajornartorsiuteqarnermik saqqummiivigineqarnini tamatigut iliuuseqarfigissavaa aammalu suliamik ilisimasaqarlumutik pimoorussisumillu suliarissallugu.”*

#MeToo-mut ilanngussuunneq

Oqaaseq taanna atornerqarpoq paasititsissutiginiarlugu kinguaassiuutitigut kannguttaatsuliorfiginninnerit allatulluunniit pissusilersorfiginninnerit akuerineqarsinnaannginnerat illersorneqanngisaannarissaallu. Tamanna nunarsuarmi tamarmi sammeneqaleralluinnarpoq. Ilangussuffigisap TELE-POST-ip pineqartumik aamma suliaqarnera annerulersippaa. 2020-p ingerlanerani kanngunarsaanerit pissusilersornerit politikki suliaarput suliffimmiulit pissusilersuutissanut allasimanngikkaluarlutik malinneqartussat suliaralutigit. Oqariartuut atortussallu ilaatigut Pisortaanermit Sulisoqarnermullu immikkoortortaarfimmi pisortamit suliffiqarfimmi mellemladerinik ataatsimeeqateqarnermi saqqummiunneqarput.

Sulisunik piginnaasaannillu ineriartortitsineq

Piginnaasanik ineriartortitsinissamut siunertaqarlumutik pikkorissaasarnertigut TELE-POST-ip qulakkeerpaa maannakkut siunissamilu suliasanik sulisutta suliaqarlusinnaaneri. Sulisutta ilisimasaat pinnaasaallu digitaliusumik ineriartortinnermut piumasaqaatinullu tamatuma kingunerisaanut malinnaatinneqartuartaqarput, tamannalu pisarpoq ilikkarsinnaasaannik ataavartumik ineriartortitsiuarnertigut. Ukiut tamaasa sulisut ineriartortinnissaannut oqaloqatigiittarnertigut (MUS), sulisut pisariaqartitaat, ilinniaqqinnissamut periarfissaat, suliarisaminnillu namminneerlutik ineriartortitsinissaannullu tunngasut nalilersorneqartarput. Sulisup pinnaasaasa aamma piumasaqaatit pisariaqartitallu sulisut sulinermini naapittagaasa, imminnut naapertuunnissaat taamaasiornikkut qulakkeerneqartarpoq.

Covid-19 pissutigalugu killilersuinerit kinguneraat, pilersaarutigineqartutut annertutiginnitsunik pikkorissarnerit ilinniartitsinernillu ingerlatsisinaasimannginnerput.

IT-mik ilinniarnernik inernilersuisoq

TELE-POST nunatsinnut tamarmut Microsoftip pikkorissartitsisarfanik Nuummi ingerlataqarpoq, tasanilu IT-mik pikkorissarnerit ilinniarnernillu pikkorissaasinnaasut akuerisat suleqatigalugit inernilersuisarpoq. Tassani misilinneqarnerit ingerlanneqartarput, Covid-19-illi digitali atorlugu allannortitsinissaq nukinginnarsitissimavaa, taamaalillutik misilitsinnerit internettikoorlugu isiginnaarutikkut ingerlaanneqarsinnaanerat periarfissanngorluni. Periarfissaq atuligarput niuernitsinnut iluaqutaammat.

Ilinniartoqartarnek

TELE-POST -ip anguniagaraa Kalaallit Nunaanni ilinniarfintut pitsaanerpaanut ilaanissani. Taamaaliorpugut ilaatigut qulakkeerumallugu ilinniarfintut imaluunniit ilinniarfintut suliffimmik misiliisut ulluinnarni atuarfimmi/ilinniarfimmi ingerlatsineri ikorfartuutaassasut. Kalaallit Nunaanni Danmarkimilu ilinniarfiit assigiinngitsut suleqatigalugit, universitetimi ilinniarfintut niuernerput aallaavigalugu specialliornissaannut periarfissittarpagut, misissuinissamut assersuusiornissamut, ilinniarneminnulluunniit atatillugu suliniutissamik piviusunngortitsinissaannut. TELE-POST-ip niuernermik ingerlatsiveqarfigisaani ukunani ilinniagaqalersinnaanerit neqeroortigisarpagut:

- IT/ elektronik aamma teknik
- Teknikimut tunngasunik sanaartorneq ingerlatsinerlu
- Pisiniartarnek ataqatigiissaarinerlu
- Allakkerineq frimærkilerinerlu
- Aningaasaqarniarnek
- Atuisunik sullissineq
- Nittarsaassineq attaveqatigiinnerlu

2020-mi ilinniarfintut 21-upput, ingeniørinngor-niartullu marluk suliffimmik misiliisuullutik. TELE-POST-ip niuernermik ingerlatsiviata iluani ilinniarfintut assigiinngitsuni arfineq marlunni agguataarsimapput. Taakku saniatigut nuannaarutigalugu meeqqat atuarfianni atuartut suliffimmik misiliisittarpagut. Meeqqat inuusut-tuaqqallu ilinniagaqalersinissaminut periarfissaasa sukasarnissaat kissaatigaarput, neriup-pugullu suliniutit taakku tamatumunnga taperta-asinnaassasut.

“ TELE-POST suliffimmik misiliiffigalugu iluaqaaq. Suliffimmi avatangiisigissaarnissaq pilersikkumane-qarpoq, suliffimillu misiliisutut sunik naatsorsuute-qarfigineqarnera ilisimavara. Suleqatima ilinniartilluar-paangga suliaanni ilikkariartorluarnissannut.

Aningaaq Møller, Data teknikeritut suliffimmik misiliisooq

Atuarfimiit suliffimmik misiliisooq uummaarissisooq

TELE-POST suliffimmik misiliisussanik tiguisarpoq – inuusuttuaqqanik immikkut ittunik unamminar-tuutilinnik. Aqqalooq Lyngø 15-inik ukiulik ullut tamaasa Ilulissani TELE-POST-imut suliarortarpoq.

Aqqalooq meeqqat atuarfianni specialklassi-meersuuvooq atuariartorniarnemik inuillu allat akornanniinnemik ajornartorsuuteqartuulluni. Atuarfimiit suliffimmik misiliinissaq nallermat, TELE-POST-imut qinnuteqarpoq ullormiillu siuller-miilli sulerusussuseqarnerujussuani takutippaa.

“Aqqalooq akisussaassuseqarpoq, nammineer-sinnaavoq ikiortaalluarlunilu. Uatsinni sulilernini assut uummaarississutigaa, taamaattumik misissorpara TELE-POST-imut atassuteqaan-narnissaminut qanoq periarfissaqarnerisooq”, Ane Kruse Petersen, Nunap immikkoortuani aqutsisooq immikkoortortaqarfimminni sulisorineranik nuannaarutiginneqisooq oqaluttuarpoq. Tamanna tunngavigalugu tamanit nuannaaruti-gineqaqisumik TELE-POST-ip atuarfiullu akornanni suleqatigiittoqarpoq Aqqalooqqap atuarnermi saniatigut TELE-POST-imi sulisuuginnarnissaa pillugu.

“ Silap pissusaa nunallu ilusaa pissutigalugit TELE-POST-imut unamminartut assigiinngitsut takullugit assorsuaq soqutiginarpoq. Aammattaaq uannut pissanganarsimavoq silarsuarmiit uanga nalunn-gisanniit silarsuup allarluinnaap paasisaqarfiginera. Suliarisakka pissanganartutut isigaakka. Suliarisimasama ilumut atorneqarnerat takullugu nuanneqaaq. Misigisimavunga ulluinnarni aqutsisuma nuannersumik misigisaqarnera isumagilluaraa misigitillungalu suliakka uannut ilinniakkannullu soqutiginaateqartut.

Hjördis Jess, Diplomingeniøri, Elektronikimi





Assigiinngisitaarneq naleqarnerulersitsigaangat

Pisortat akornanni Assigiinngisitaarnermut TELE-POST-ip politikianiit tigulaagaq: *"Suliffeqarfik assigiinngisitaartoq, suliffeqarfiuvoq sulisut assigiinngisitaartuunerannik akuersisoq nakooqutiginnittorlu. TELE-POST-i sullissinernik kiffartuussinernillu assigiinngitsorpassuarnik pilersuisuvoq, suliffittullu pisariaqartippaa assigiinngisitaartunik sulisoqarnissani – minnerunngitsumik pisortaqarnissani."*

Politikkip ilaatigut siuertaraa sulisussarsiornermik, sulisunik piginniinnarnissamik il.il. najukkanilu sulisut sumiiffimmiitiinnarnissaannut tunngatillugu aqutsisut suliaqartuarnerisa qulakkeernissaa.

Suiaassutsimikkut ikinnerussuteqartut amerlasusaasa qaffatsinnissaannik akisussaaffeqarneq aqutsisuni qulliunerusuniippoq, tamannali Sulisoqarnermut immikkoortortaqaarfimmit aqunneqarpoq immikkoortortaqaarfinni aqutsisut ataasiakkaat oqaloqatiginerisigut sulisussarsiornermik suliaqarnermi oqimaatigiinernerusumik sulisoqarnissaq qulakkeerneqartarpoq, taamaalluni suiaassuseq, piginnaasat najukkanilu sulisut sumiiffimmiitiinnarnissaat eqqarsaatiniitinneqartarpoq. Immikkut ittunik qaffasissunik ilinniagalinnik TELE-POST-ip pisariaqartitaanik sulisoqarniarnerup unamminartuunerata saniatigut, unamminartoq alla tassaavoq uagut suliaqarfitta iluani arnat ikittunnguunerat. Piukkunnaateqarsinnaasut ikittunnguupput, ilaat arnartaqanngivittarlutik, taamaattumik ujaasineri ilaatigut anguniagaavoq assigiinngisitaarnerup maluginiarneqarneranik sakkortsitsinissarput. Kingullertigut iluatsipparput IT-mik suliaqarnermut aqutsisussamik arnanik atorfinitsitsineq.

Tamaanna aamma eqqarsaatitsinniitittarparput suliffinnut sulisussarsiornernullu messe-qarnerni arnanik ingenioringornianik oqaloqateqartarnitsinni, tamannalu kinguneqarpoq arnanik marlunnit 2020-p ukiaani suliffimmik misilii-

sussanik pissarsinermik. Tamakku saniatigut niviarsiaqqat soqutiginnilersinniarlugillu soqutiginninnerat attatiinnarniarparput atuarfinni Coding Classimik ingerlatsigaangatta Coding Piratesinillu aqqissuussigaangatta. Iliuseqarnerit tamakku iliuusaapput angusassamik toraagaqarfusut, ungasinnerusorli eqqarsaatigalugu iliuusaasut najukkami sulisussarsiornermut tunngavigisamik nukittorsaaniarluni suliaqarfimmilu suiaassutsikkut naligiinnginneq unammillerniarlugu. Iliuseqarneq ungasinnerusooq eqqarsaatigalugu iliuusaammata, suiaassutsit agguataarnerannik 2020-mi toqqaanartumik takussutissaqanngilagut.

TELE-POST-ip siulersuisuini ataatsimeersuarnermi qinikkat tallimat sulisullu toqqagaat pingasut ilaasortaapput. Ataatsimeersuarnermi qinigaasunit tallimaasunit pingasut arnaammata naligiissitsinissamut inatsisitigut piumasarisaq naammassineqarpoq, taamaattumillu allanik anguniagalersortoqassanani. Aqutsisuni assigiinngisitaartoqarnissaanik politikkerput sinaakku-siivoq, pisortaqtiguit sinnerini suiaassutsit ikinnerussuteqartut siuarsaavigineqarnissaannut.

TELE-POST-imi kikkut tamarmik inissaqartinneqarput, apeqqutaanngilaq qassinik ukioqarneq, qanoq suiaassuseqarneq, sumiuuneq, qanoq upperisaqarneq, kinguaassiuutitigut sumut sammiveqarneq piorsarsimassuserlu. Piginnaasanuku, piumassuseqarneq sulisinnaasuserlu uatsinni pingaarnerusut, assigiinngisitsinerillu suullunniit akuersaangilluinnarpagut.

Utoqqaanerusunut aaqqissuussineq

Sulisut ataasiakkaat aamma suliffeqarfiup ingerlanneqarnera mianeralugit soraarnerussutis-
siaqalernissamut pitsaasunik periarfissiinissamik
pilersitsinissaq TELE-POST-ip kissaatigaa.

Sulisugut pisuni immikkut ittuni TELE-POST-imik
isumaqatigiissuteqarsinnaapput imminnut
tulluurtunik sulinermi atugaqartinneqarnissamik.
Taamatut pisoqarsinnaavoq sulisoq immikkut
ittunik pisariaqartitsippat, uagullu taamaalilluta
sulisumut naleqqussakkamik pilersaarusiorsin-
naassaagut sulisuunerminngaanniit uoqqalilluni
suliunnaarnissamut ikaarsaarutaasussamik.

Isumaqatigiissutit taamatut ittut ilaanneeriarlutik
aamma najukkami kommuni suleqatigalugu
aaqqissuunneqarsinnaasarpur.

Sulileqqinnissamut ikiuisarneq

Pisariaqalerfiatigut immikkorluinnaq ittmik
sulisoq ikiortariaqaleraangat, anguniagaanut
naammassinneqqullugu TELE-POST-i ikiuinissamik
neqerooruteqarsinnaasarpur. Sulisut immikkut
ikiorneqartariaqarnermik pisariaqartitsiffiini
sapinngisatsinnik naapinniartarpavut; assers.
sulisup sulisinnaajuaannarnissaa siunertaralugu
nikerartumik suliarortarnisaanik ikiorsinnaasar-
parput.

Mannakkuugallartoq suliffissaqanngitsunik
sulisinnaanermut sungiusartunik peqanngilagut,
najukkami kommunemik isumaqatigiissute-
qarnitta atuuffia naanikuummat. Nutaanik
isumaqatigiissusiortoqanngilaq. TELE-POST-ip
suli soqutigaa aammalu angujartuaarusullugu
kommunenik suleqateqarnissaq.



Siulersuisut

40 % mænd / 60 % kvinder



Pisortaqaatigiit

75 % mænd / 25 % kvinder



Aqutsisut allat

73 % mænd / 27 % kvinder



Ukiut suliffigi- simasat

Ukiut 0 - 5 51 %

Ukiut 6 - 10 14 %

Ukiut 11 - 25 23 %

Ukiut 26 qummullu 12 %



Alder

Ukiut 35 ataallugit 28 %

Ukiut 35-60 60 %

Ukiut 61+ qummullu ... 12 %





Avatangiisit Silallu pissusaa pillugit TELE-POST-ip politikianit tigulaagaq:

**TELE-POST-ip kissaatigaa avatangiisit pitsaanerulernissaannut qulakke-
rinneqataanissi. Suliffeqarfiup suliaani tamani avatangiisit silallu pissusaa-
nut tunngasut mianeralugit pissusissamisuuinnartumillu ilaasutut qulakke-
erreqarnerisigut, isummatsigut iliutitsigullu Suliffeqarfiup avatangiisinut
silamullu siunniutigisartagaasa eqqummaffaariffiginerisigut.**

Nukissiornermik pitsanngorsaaneq

TELE-POST-ip qaqqat qaavini sakkortusaaveqarfitsinni piujuannartitsisunik nukissiuuteqar-nissamut suliniutit arlallit siorna aallartippai. Nukissiornerit ingerlajuartut atorlugit atorlut nutaanngitsut atorlut nutaanerusunik nutaali-aanerusunillu nukissamik atuinnginnerusunik taarsersortuarpagut. Avatangiisinut sunniutit taamatullu allannortiterinitsigut aningaasaqar-nitsinni sipaarutaasussat uuttortartuarlugillu nalilersortuarpagut. 2020-mi misissueqqissaarnerit ungasinnerusoq eqqarsaatigalugu aningaasaqar-nikkut iluaqutissartanik takutitsipput, teknolo-giimut mingutsitsinngitsumut aningaasaliisute-qarnikkut sakkortusaaveqarfiit avatangiisinut ajoqutaanngitsumik nukissiornermut allannorti-terneqaraangata.

Qammaqqutit LED-it

TELE-POST-ip qullersaqarfia TELE-POST Centerillu allat arfineq marluk LED-inik qammaqqusersu-gaapput, taamaalilluta nukissiornermut ukiumut atuinikinnerulissagatta suliffimmilu pitsaane-rusunik qammaqquteqalerluta.

Illoqarfini tamani TELE-POST-ip iniutaani allann-gortitserisoqartillugu sanaartortoqartillugulu qaammaqqutinik LED-inik ikkussuisoqartarnissaa

qulakkiissavarput, tamannalu illuutinik ingerlat-sinerni innaallassagissamik sipaarfiussaaq. Qulliit LED-it 200-t TELE-POST Centerinut pisariaqartits-isunut nukissiornermik pitsanngorsaanerup ilaatut 2021-p ingerlanerani nassiuunneqassapput.

Sumiiffinnut kuuffilersugaanngitsunut anartarfinnut ikuallaaviit

Anartarfiit ikuallaavittallit siulliit 2019-imi TELE-POST-ip atulerpai, pilersaarutaasimavorlu allat qulingiluat 2021-p ingerlanerani ikkussuunneqassasut. Ikkussuisoqarporlumi ullumikkullu kuutsittakkanik pilersugaanngitsuni anartarfiit ikuallaavittallit qulit Qaanaami, Upernavimmi, Uummannami, Ittoqqor-toormiini telestationeqarfinni aammalu TELE-POST Centerini pigineqalerput.

Aningaasaqarnermut iluaqutaasumik avatangiisillu mianeralugit silaannarmik nillusaateqarneq

Servereqarfitta ilaanni silaannaq atorlugi nillusaaneq TELE-POST-imi atugaavoq. Silaannaq atorlugi servereqarfitsinnik nillusaaneq teknologiiuvoq avatangiisimut ajoqutaanngitsiq nillusaanermullu qanganitsamut naleqqiulluni nukissamik sipaarfiusoq. Silaannaq atorlugi nillusaanermi silaannaq nillertoq servereqarfinnut nillusaatigineqartarpoq.

Frimærkinik suliaqarfitta Filatelia-p ukiut tamaasa frimærkit marluk saqqummiut-tarpai qulequtaralugu "Kalaallit Nunaanni Avatangiisit".

Avatangiisini ullumikkut unamminarsinnaasut eqqumaf-figineqarnerulernissaat pillugu, TELE-POST-ip tamanna tapersersorpaa.





Aqutsissut nutaaliaq serveqarfimmi silaannarmik assigijiaartuutitsisarpoq. Aningaasaqarnikkut sipaarutaaginnarani avatangiisinulli aamma illersuineruvoq. Silaannaq atorlugu nillusaaneq pingaartumik ukiuunerani atornerqartarpoq. Nillusaariaatsimut nutaanngitsumut naleqqiullugu akunnermut 55 KW-it missaannik sipaaruteqartoqartarpoq.

Nukissiuutit ataavartut

Nunaqarfii illoqarfiillu amerlanerit internettimut attaveqarnerannik qulakkeerinnittunik TELE-POST 48-nik sakkortusaaveqarfeqarpoq. Sakkortusaaveqarfitsinni aasaanerani seqernup qinngorneri sarfalersuutigineqartarput, ukiukkullu pingaartumik generatorit sarfaliuutaasarlutik. Unammillernartua tassaavoq, seqernup qinngornerinik sarfalersorneq pisariaqartinneqartoq aasaanerinnaani pisarmat, ukiumilu sila naammattumik qaammartanngimmat seqernup qinngornerinit sarfaliortarneq ingerlannarsinnaasanngilaq. Taamaattumik generatorip atornissaa pisariaqalersarpoq. Asimi sakkortusaaveqarfitsinnut ikummatissamik assartuisarneq atuinerlu akisuvoq avatangiisinullu tunngasutillugu ilisarnaatiginiakkatsinnut akerliulluni. Nukissiuutinik ataavartunit pingaarnertut sarfalersornissarput anguniagaraarput, taamaalluni ikummatissamik imerpalasunik pisariaqartitsineq millisinneqarsinnaammat. Taamaattumik nukissiuuteqarnissamik periarfissat assigiinngitsut misilerartuarlugillu ineriartortittuarpagut.

Seqernup qinngornerinik tigooqaassutit

Sakkortusaaveqarfitsinni seqernup qinngorneranik tigooqaassutit atorlugit nukissiorneq 2020-mi 16%-iuvoq, nukissiornerulli 84%-ia suli tassa ikummatissamik imerpalasumeerpoq. 2020-p ingerlanerani ikummatissamik imerpalasumik atuingaatsiarsimavugut, ilaatigut sakkortusaavinni atortunik nutaanik ikkussuineq pissutigalugu. 2019-imi 2020-milu sakkortusaavimmik ilasineq allanngortiterinerlu innaallagissamik atuingaatsiarsiusimasoq ikummatissamik imerpalasumik atuinerunermik kinguneqarpoq. Sakkortusaavinni atortunik nutaanngitsunik atuiunnaariatornermi avatangiisinut sunniutissaaq appassaaq, atortunullu sarfalersuinerup ilarujussua seqernup qinngornerinit nukissiornermeersunngortinneqassalluni. Atortunik pioreersunik atuiunnaariatorneq 2021-mi ataavartumik ingerlanneqassaaq.

Nukissiuutaasinnaasut nutaat

2019-ip aasaani anorisaat Nuup kujataani Meqquitsumi, ikkussuunneqarpoq. Anorisaatip taassuma issittumi pissutsinut misilerarneqarsimasup anori 70 m/s sukkassusilik sapinngilaa. Anorisaat misilerarneqartoq atorlugu naatsorsuuti-gaarput sarfaq ukiumut 7.000 kWh pilersissinnaallisallutigu, seqernullu qinngornerinit nukissiorneq ilannguteriaraanni avatangiisinut tunngasutigut ilisarnaatiginiakkatsinnut pitsanngorsaataassaaq, generatorinut dieselimik atuinermut sipaaruteqarneq anguneqariarpat.

Anorisaatinik atuinermut anguniagaq	Piviusunngortitaq	Nassuiaat
Ukiumut 7000 kWh-inik nukissiorneq naatsorsuutigineqarpoq.	3500 kWh	Kukkusumik ikkussuussinerit kingoraartissallu taarsigassat unamminnartoqartitsisimapput, taamaallutillu sanaartornermut sunniuteqarsimallutik





TELE-POST-ip peqquserluttuliornaveersaartitsinermut politikianit tigulaagaq:

“ *Sutigut tamatigut niuvermik akisussaassuseqartumik TELE-POST ingerlatsivoq peqquserluttuliornerillu suugaluartulluunniit, imaluunniit ileqqorluttumik iliuitsit suugaluartulluunniit, suliffeqarfiup niuvermini tusaamanerluutigilersinnaasai tamaasa, akueriumangilluinnarlugit. Sullitanik allanillu soqutigisaqartunik sulisut naapitsinerminni, immikkoortoqarfiit akimorlugit, sukkulluunniit ileqqorissarlutik akisussaassuseqarlutillu iliortassapput.* ”

Tunissutisarneq

Suliffimmi tunissuteqartarnermut malittarisassani aalajangersagaavoq, TELE-POST-ip sulisui tunissuteqassanngitsut tunissutisissanngitsulluunniit imaluunniit sulinerminnut atatillugu allanik ajunngitsorsiasarsissanngitsut, taamaaliorneq akiliilluni peqquserlutsitsiniarnertut isigineqarsinnaamat. Taamaakkaluartoq sulisup nalliuttorsiorneranut atatillugu akuerineqarsinnaasup iluani annikitsunnguaniq qujaniutitut tunissuteqartoqarluniluunniit tunissutisisoqarsinnaavoq.

Soqutigisat aporaanneri ilaqtanillu salliutitsineq

TELE-POST-imi sulisut aalajangiineri inuttut soqutigisaannit sunnerneqassanngillat, ass. ilaqtanik ikinngutinilluunniit salliutitsisoqassanngilaq inuttut attuumassuteqarfiginerat pissutiginnarlugu.

Whistleblowerimik aqqissuussineq

TELE-POST-imi kissaatigineqarput suliffeqarfimmi ileqqorissaarnissaq ammasuuneq, uppernassuseqarneq ersarissuseqarnerlu. Aammattaq uagut nammineq avatitsinniitullu ingerlatseqatigiiffimmik nutaaliamik ingerlatsisutut naatsorsuutiginninnerat naammassiumavarput.

Taamaattumik 2019-imi Whistleblowerimik aqqissuussinermut tunngavilersuutaasussaq suliaarput.

Kinaassuseq saqqummiutinngikkaluarlugu nalunaaruteqarsinnaatitaanerup, Whistleblower ordning-ip, TELE-POST-imi sulisut allallu piginneqatigisat periarfissippai, kinaassutsiminnik ilisimatitsinngikkaluarlutik, inunnik suliffimmut attuumassuteqartunik ileqqorluttuliorsimasutut, niuvernermut inatsisinilluunniit unioqutitsinernik iliuuseqarsimasunik, pasitsannartunilluunniit iliuuseqarsimasunik suliffeqarfitsinni, soorlu makkuninnga:

- pisut pillaatitaqarsinnaasut ilungersunartut, ass. peqquserluuteqarneq, akiliilluni peqquserlutsitsineq aamma suliffimmut peqquserluttuliorneq
- isumannaallisaarnermik suusupaginninneq aamma inatsisaatsuliorneq
- kusanaatsumik ileqqulersorneq, ass. assigiinngisitsineq, nikanarsaaneq il.il.

TELE-POST 2020-mi nalunaarutiginninnermik tigusaqanngilaq.





Inuiaqatigiinnut naleqarnerulersitsivugut

TELE-POST-ip suliniutit pitsaasumik ataavartumillu inuiaqatigiinnut kinguneqartussat tapersersorpai inuiaqatigiillu piujuartitsiffiunerulernissaat sulissutigissavarpugut.

Meeqqat digitalip silarsuaani isumannaatsuunissaat

TELE-POST-ip 2020-p naalernerani Tusassimik nioqqut nutaaq meeqqanut sammitinneqartoq saqqummiuppaa. Nioqqut taanna akisussaaffimmik aamma malitseqarmat meeqqat angajoqqaallu digitalip silarsuaanik paasinninnissaannut toqqissimasumillu atuisinnaanissaannut peqataarusup-pugut.

Meeqqat internetteritullutik namminneq aqqissinnaanngisaannik pisoqaratarsinnaavoq. Taamaattumik uagut meeqqanut nioqqummik nioqquteqartut pisussaaffitsit isigaarput, angajoqqaat allallu inersimasut meeqqaminnik digitalip silarsuaani qanoq ingerlaartoqartarneranik siunnersuisarneranni ikiuutissalluta. Nioqqummik nutaamik saqqummiussinermut atatillugu TELE-POSTip taamaalilluni meeqqat digitalip silarsuaani qanoq ingerlaartarnissaat pillugu angajoqqaanut ilitsersuut siunnersuutininik imalik saqqummiuppaa.

Attat – Nunatsinni ilinniarfeqarfiit naapittarfiat

Ilinniarfeqarfiit attaveqaataat ATTAT, Namminersorlutik Oqartussat ilinniarfiutaannut tamanut atassuteqaat, TELE-POST-ip pilersorlugulu tapersersorpaa. Nunatsinni atuarfinnik tamanik, inuussutissarsiutinut aamma qaffasinnerusumik ilinniagaqarfinnik tamanik internettikku attaveqarnermik pilersuisuuvuq. Nunatsinni atuarfiit sukkane-rusumik internettimut atassuteqalerput, periarfissanik amerlasuunik ammaassisumik. Ungasissumiit atuartitsinnaanerup periarfissarisarnerulersup atuartut periarfissaat pitsaanerulersippai. Ilinni-artitsisut ilinniartitsissutissat sakkuni soqutiginarnerusumik ilinniartitsisinnaanissamat periarfissaqalerput, ilinniaqqissinnaanernullu tulluurtunut ammaanarqarlutik.

Kræfti akiorniarlugu katersuiniarnerisuaq

Kræfti akiorniarlugu suliniuteqartunut TELE-POST ukiut tamaasa tapersersuisarpoq, NERIUFFIUP TV-kut aliikkusersuinertalimmik katersuiniarnerini call-centeri ikkussuullugulu aquttarpaa. Innuttaasut

tamarmik tassunga siarnerlutik kræftimut akiuiniarnermut tapiissuteqarnissaminnut periarfissaqar-tarput. Taama ilionnitsigut isumaqarpugut kræftimik eqqugaasumuinnaanngitsoq, aammali ilaqaatasunut iluaqutissiisarluta. TELE-POST-ip piumasussiminnik ikiuukkumasut aammalu attaveqaasersugaaneq 2020-mi katersuiniarnermi nutaamik rekortiliiffiusumi qulakkeeqqippai.

Filatelia

Eqqumiitsuliortut tusaamasat suleqatigalugit Filatelia ukiut tamaasa frimærkinik nutaanik 24-t missaan-niittunik saqqummersitsisarpoq. Frimærkit ilaat ataaseq 1 kr-imik tapeqartillugu tuniniarneqartarpoq. Tapiliussakkut isertitat tamarmik isumaginninnermi suliniutinut tapiissutigineqartarput, ullumikkullu 150.000 kronet anguneqarsinnaasarput. 2020-mi frimærki tapertaliussaq eqqumiitsuliortumit Paarma Olsvig Brandtimit suliarineqartoq saqqummiunne-qarpoq tunineqarneranilu isertitat Kalaallit Nunaata Covid-19-imut iliuuseqarneranut iluaqutissann-gorlugit tunniunneqarlutik.

150.000 DKK

Frimærkemit tapiliussamit isertitat annerpaafissaat isumaginninnermik siunertalinnut tapiis-sutissatut anguneqarsinnaasut

2020-imi sponsoratit annerpaat

Nalunaarasuartaateqarnermik allakkeriveqarnermillu ingerlatsivittut, TELE-POST-imi periusissiatinni anguniakkatsinnut naapertuuttut suliassat angisuut mikisullu aningaasaliiffigisarlugit tapersersuisar-pugut. Aningaasaliissuteqarnerit tassaasinnaapput sullississutitut nioqqutigisagut, aningaasaliis-suteqarnerilli ataasiakkaat tassaasinnaasarput aningaasanik tapiissuteqarnerit. Isumaginninnermut kulturimullu tunngassutillit siunertat ikinnerusunik aningaasaliissuteqarnermik tapersersukulaneruagut, aningaasanilli aamma tapiissuteqartarpugut pisussanut annerusunut, soorlu makkua:

- Elite Sport Greenland
- Kulturip Illorsua Katuaq
- Juullip Inua v/Michael Schluchtmann

Nunani tamalaani isummanut tunngaviit, ajutoorfiusinnaasut 2021-milu suliniutit

Nunani tamalaani isummanut tunngaviit

Sammasavut alarnaveersaarlugit, sulisut soqutigisaqartullu allat suliffimmik aaqqissuul-luakkamik, suleqatigiinnermik pingaartitsisumik misigisaqarnissaannut tapersiilluta, TELE-POST-imi sulinerput ingerlapparput. Inuit pisinnaatitaaffiik suliaqarnerup siuarsarneqarnissaa Naalakkarsuisut akisussaaffigaat tamakkununga najoqqutassiat akuerineqarlutillu malinneqarsinnaaqullugit, taamaattumik TELE-POST inuit pisinnaatitaaffiit immikkut politikkeqanngilaq, pisinnaatitaaffiilli ataqqivagut inatsisillu taakkununga attuumas-sutillit maleqqissaarlutigit.

2020-mi suliniutit

Akisussaassuseqarneq aamma piujuartitsi-nissaa tassaapput suliffeqarfiup qullersaqarfianit suliaqarfigineqarlutut ilaat. Piffissami 2024-p tungaanut periusissiamik ingerlatsiviusussami tullermi iliuuseqarfigisassat siulersuisunit akuerineqarqammerput. Coding Classimik Kalaallit Nunaanni illoqarfinnut amerlanernut siammaanissamik anguniagaqarneq periusis-siakkut taperserpeqarpoq. Tassunga atsumik teknologimik pilersitsinermut piginnaanilimmik misilittagalimillu TELE-POST sulisussarsiusaaq, taassumalu meeqqat atuarfianni kodiilluni ilinniar-titsinernik suliaqarnerput nangissavaa.

Kalaallit Nunaanni atuarfinni allani Coding Classimik ingerlatsinissanut tunngatillugu kommuninik sulit marlunnik suleqateqalernissaaq aamma neriuutigaarput.

Ilinniartitsisut digitalimik pilersitsinnaanernik aammalu teknologimik paasinninnermik ilinni-

artitsinnaanlernissaannik ilinniarnissami sinaak-kutissat pilersinniarlugit ilinniarfissuarmik ilinniarsi-orfimmillu suleqateqarnerput nangissavarput.

Kikkut tamarmik digitalip silarsuaani toqqissillutik ingerlaarsinnaaqullugit meeqqat, inuusuttuaqqat, angajoqqaat allallu innuttaasut internettimi isersi-manernik isumannaatsumik pissusilersornissamik pisariaqartitsinerat sulit suliaqarfigiuassavarput.

Mingutsitsinnginnerusumik inuuneqalernissamat nuukkiartuaarpugut, tamatumalu siuarsarnera avatangiisinullu illersuinerusumik nukissiornermik atuineq sulit annertusiartortissavarput.

Piujuannartitsinernik ilisimasaqarnerulernissamik suliaqarnerput nangeqqissavarput pimoorus-sisumik attaveqatigiinnikkut aammalu sulisunik inuiaqatigiillu sinnerinik suleqateqarnitsigut.

Ajutoorfiusinnaasut

TELE-POST-imi ajutoorfiusinnaasut paasiniarnissaannut suliarineqarnissaannullu pisortat qullersaat akisus-saasupput, suliasaraattaq ajutoorfiusinnaasut pingaarutillit millisarneqartuarnissaat.

Suliaqarfiit	Ajutoorfiusinnaanerusut	Qanoq suliarineqarnerat
Inuit pisinnaatitaaffii	<ul style="list-style-type: none"> IT-mik isumannaallisaaneq, pilersorneqarnerup isumannaatsuu-nissaa aammalu pisiniartarfinnik toqqaanerit TELE-POST-ip ukiu-moortumik nalunaarusaani immikkut sammeneqarput Ukiup naalernerani meeqqanut inuusuttuaqqanullu mobilini nioqqut nutaaq TELE-POST-ip saqqummiuppaa. Inersimasutuulli meeqqat internetternerni paasissutissanut isersinnaanerit nioqqutit periarfissippaa. Angajoqqaat meeqqaminut akisus-saasupput, meeqqalli internettimik atuineranni ajutoorfiusin-naasut minnerpaaffianiitinniarlugit iliuuseqarqarput arlalinnik, angajoqqaat taamaalillutik meeqqamik digitalip silarsuaani isersimaneranni ikorsisinnaanerminnut sakkussat eqqortut pigilerniassamatigit. 	
Isumaginnineq sulisoqarnermullu tunngasut	<ul style="list-style-type: none"> Sulilersussanut pileri-narsaaneq sulisullu pigiinnarnissaat 	Sulisup pisinnaatitaaffigisaanik pitsaanngitsumik sunniinerit minner-paaffissaaniitinnerisigut, timikkut tarnikkullu sulinermit avatangiisit ajunngitsortaata salliutippagut
Avatangiisit silallu pissusaa	<ul style="list-style-type: none"> Pitsaanngitsumik avatangiiseqarneq silallu pissusaanit sunnerneqarneq 	Suleriaatsit ingerlatseriaatsillu atornerisigut igitassanik suliarinnineq tatigi-nartuq illersorneqarsinnaasorlu qulakke-erneqassaaq, tamanna ilutigalugu nukissiornerit atavartut atorluarneru-nissaat sulisutigaarput
Pinerluttuliorna-veersaartitsineq	<ul style="list-style-type: none"> Niueqatigiinnerit pisiniartarnerillu 	Akuersarnermut suleriaatsit, ingerlat-seriaatsit qitiusumillu pisiniartarnermut immikkoortortaqqarneqarnikkut, niueqa-tigiinnernik misissueqqissaartarnerit nakkutiginninnerillu qulakkeerpagut



Nalunaarusiap paasissutissartaanut takussutissiaq

Sulisuq	2019	2020
Naammagisimaarinnineq	82	84
Aalajaassuseq	85	87
Sulinermi ajoqusernerit	7	0
Napparsimalluni sulinngitsoornerit	4,1%	4,7%
Napparsimalluni sivisuumik sulinnginerit	8,4%	0,9%
Fleksjob	2	2
Sulinermik misiliineq	1	0
Revalidender	5	0
Assigiinngisitaarnerit		
Siulersuisuni ilaasortat ataatsimeersuarnermi qinikkat	40/60	40/60
Qullersat	71/29	75/25
Aqutsisut allat	68/32	73/27
Silap pissusaa avatangiiserlu		
Ikummatissat imerpalasut	-	84%
Seqernup qinngornerinik nukissiorneq	-	16%
Anorisaatinik nukissiorneq	-	3.500 kWh
Pinerluttuliornaveersaartitsineq		
Whistleblowerimik aqqissuussinermut nalunaaruteqarnerit	-	0



“ Kalaallit Nunaanni attaveqaasersugaanikkut suliasat annertoorsuit ilaat TELE-POST-ip suliarisarpai. Taamaaliorpugut ilisimallugu, inuiaqatigiinni suliaqarfiit pinngitsoorneqarsinnaanngitsut annertusigaluttuinnartumik pinngitsoorsinnaanngikkaatigut. Taamaattumik isumannaallisaaneq sulinitsinni tamatigut ilaajuarpoq. Teknologii atorlugu suliffeqarferujussuartut ilisimavarput kinguaariit tullit ilinniagaqarnerannut sungiusarneqarnerannullu ikiuinissamut periarfissaqarnerput, sullitattalu tamarmik teknologiip atukkatta periarfissaqarnerujussuanik paasinninissaannik suliaqarnerput pingaarteqaarput, aammali siunertarinngisamik ineriartorerup ilagisaanik tamatta immikkoorluta aquusersorfiginissaannik ilinniartari-aqakkatsinnik suliaqartarnerput ilisimatitsissutigaarput.

Inuiaqatigiinnut kalaallinut pissusissamisuuginnartumik pisussaaffeqarpugut.

Stine Bosse, siulersuisuni siulittaasoq



TELE Greenland A/S

Farip Aqqutaa 8
Postboks 1002
3900 Nuuk

CVR nr.: 17 51 63 45

Kommune najugaqarfigisaq:
Kommuneqarfik Sermersooq

Telefon: +299 34 12 55

Telefax: +299 32 22 55

Internet: www.telepost.gl

E-mail: tele@telepost.gl